

sondern zusehen/ das nit vergeblich geschossen würd/  
gab noch andere dergleichen Ordnungen mehr.

## Beschreibung des blutigen Sturms / so den sibenden Januarij Anno 1602. auff die alte Statt Ostende vnd andere derselben Bollwercken gethan worden.

**N**ach dem der Erkherzog den 9. Januarij den  
ganken tag auß sein zween Battereyen /  
nemlich der einen vnden an den Sand Dün-  
nen auff den Catheyen der andern auff dem Sud  
quartier darben auff den Sandhil/ Helmont vñ Por-  
cespick/ mehr dann 2000. schuß mit ensern Kugeln  
40. vnd 50. Pfund schwer/ ohne die jehntige schuß so  
von der Ostseitten auff die Statt geschehen / thum  
lassen: hat er des abends vngesehr vmb 7. vhr mit ab-  
lauffendem Wasser ein gemeinen sturm fürgenom-  
men/ zu welchem das Kriegsvolck von den Reutern  
von hinten zu angetrieben worden.

Erstlich aber haben sie mit grossem geschrey die  
alte Statt angefallen / kamen nebē dem Westhafen  
her/ stengen vornen an dem Sandhil an/ vnd zogē so  
fort hin/ hattē bey sich etlich leichte leitern vñ sturm-  
brucken/ auff die wäll hinauff zu steigen: sintemal die  
palissade oder zaun so allda gewesen/ nider geschossen  
vnd zum theil verbrant waren.

Dieser anfall ist so treng / vnd mit so grossen  
hauffen auff vnderchiedliche Dertter auff einmal ge-  
schehen vnd widholet wordē/ daß es scheint sie wur-  
den auch durch ein stehline maur hindurch getrungē  
haben: aber der Ritter Frans Beer/ sampt seinem

Im 5. Bruder